

書

潛書 明以之 治化大行學校既廢禮義無師欲效先王之治 子曰昔者吾之師皆聞諸顧涇陽日 也學校者禮義之宗也先王謹學校以教天下 下篇 居今之 夔 尚 州唐 正君以之正職 治 世正心復 下篇上 性敦倫 端 いっとまってきていてきてきのかまけるのとは、はいいことにはははのではなる 於朝廷洽於鄉里君 淑行得 朋講 禮義者治之 復聖道

道 忘焉當是之時人之甘於禮義循五穀也學廢世衰 也猶其於田也無人無田無人無學習而安焉安而 勢之易行情之易達莫如父之於子子之良者不敎 惟欲所恣黷昏償與不可解喻人之苦於禮義猶藥 **加善子之不良者雖教不善家有不良之子詈則詈** 則愛 也雖有能者不能強人之甘藥石也亦明矣今夫 日是天下之善言也烏知其不能行也日何爲不 也日先王之世自國及鄉所在有學人之於學 人小人學道則易使先王之治其庶幾乎唐

謂治之若易爾者何也唐子曰毋立敎名毋設率形 子而 知其入而不知其出也夫以嚴父之教然且不行於 使民自為善而不知日使之若何日聖人之所馮 以道之使之去惡遷善是涸東海移太山之勢也孫 反掌也曰教之難行民之不率信如先生之言矣又 者風也天地之 杖則杖之教之豈不篤乎然入則詩書 然則天下終不可治乎日苟得其道治天下循 况四海之大生民之衆乎乃欲稱詩書明禮義 一篇上 間無形 而速動者莫如風起於

謂之風 於海隅攺性遷習若有物焉隂率之而無一人之 者亦循風之動於天地之間也是故天地之吹氣 無別今也朝歌之墟溱洧之問纖履不假於 不過 古淫而今貞哉風使然也使古 風 至 為然 於炎崖 則皆 布絮食不過菜餅豈東人侈而西人約哉 人情之 然矣吳越之民衣穀帛食海珍河汾之 人情之相尚或樸或雕或鬼或經忽焉徧 偃靡萬形鼓暢衆聲無一 相尚亦謂之風古者鄭衛之民淫 人生於今令人 物之不應者 鄰 女

轉隂 為言誠然矣雖然竊有惑焉人之為善必由禮義 皆可以幾唐處之治此人所罕知者也孫子曰風 如蟄蟲之 使然也使東人居於西西 者天地之始氣在物為萌在時為春在人為嬰孩 既苦於禮義不可強而從我更以何者爲風乎日 成風善作者 陽判治亂分古今皆風為之得其機而操之 必有作之者作之善者善以成風作之惡者 時 振草木之時生而不知其誰為之者夫 因人情之 下篇十 相尚以身發機人之從之 、居於東則皆然矣風之 Z 惡

養天下之口也身不衣輕煖非儉於體也所以養 尚素棄文反薄歸厚不令而行不賞而勸不 耳也所以養天下之耳也目不視采色非儉於目 國為將與之候奢者天地之終氣在物為茂在時 下之體也四者不從心之欲非儉於心也所以養天 之心也常是之時家無塗飾之具民鮮焜耀之 化天下其道在去奢而守樸耳不聽好音非儉 在人為老多慾在國為將亡之候聖人執風之 以養天下之目也口不當珍味非儉於口也所

者之行隋奢而唐樸及其治也錦繡無所用之夫 也請徵諸故跡昔者泰奢而漢樸及其治 也 逆而反之竊恐不能日何為不可反也子未之 之 **太僕為之也豈惟卿大夫哉匹夫亦有之** 樂以田舍處天下人之化之則若此豈惟君 八皆效之帛不入境染工遠徒荆之尚墨布 卿大夫亦有之荆人炫服有為太僕者 未聞堯舜之道 大治矣孫子曰民之趨於奢 / 下篇 Ŀ 也與其將相起於微賤鑒 也如水之下 四 也世多長

徙洛之 斯之 使 خ 文 一鄉之 以孫子曰 賤 好 尚褐 也洛賈且然況太僕哉太僕 者 衣褐破鄰不殺衣褐者有洛之賈在鄰 而終身衣褐鄉人皆效之帛不入境染下 人若 人貴其所 也貴貴賤賤人之情也有望人焉反之 也則賈為之 敢問行之之 囿 何 日捐珠玉焚 賤 hi Li 而賤其所貴蓋風之移 方日先貴 也穀帛衣之貴者也布 和錦寡頻 既能儉矣 然光萬乗 放類 御遠 能

至多徒者是敗類之人也雖賢必去之好名者無才 死有教之者曰一羊病則羣羊皆敗子必謹視之 后之族次及大臣次及百職莫敢不率貴人者萬 也去敗類若何日吾嘗牧羊於沃洲之山羊 望也貴之所尚賤之所慕也貴尚而賤不慕世 蕃治天下亦然講學必樹黨樹黨必爭進退使學 **板援奔趨而失其本心故有口心性而貌孔顔** 稱其才無德而人 而去之不然且將盡子之羣從其言而羊 **7 下 旨** 為再其德使人巧言令色便 开.

多言者以議論害治以文辭掩道以婞直亂正使 尚浮夸而喪其實故有書數上而不止繁稱經史而 求之公卿 取合而失其忠信之情故有身處草野而朝廷問 必去之此三者表偽之旗也雕樸之刃也引佞之 不窮廷折百官而莫能難之者是敗類之人也雖賢 詩 也孫 子曰始吾以為天下之難治也今聞先生之 知天下之不難治也苟達其情無不可為 風有隧食人敗類是故善為政者務先 折節下之者是敗類之人也雖賢必去之

要約之意輕攘竊之計巧爭勵之氣猛六邪易性 沮於時勢之難行習於刑法之茍安舉天下之民繫 用先生之言以治天下者不必於身親見之也唐日 策之如牛馬然民失其情詐偽日生文飾月遊 才但見聖人正天下之法不識聖人順天下之意 吾何足以當此雖然必有明其可用者世多明達 日縱於是富貴之望勝財賄之謀銳廉恥之心亡 一懎然在閼塞之中身雖極而言則傳後世必有 離開決不可以安不可以動安則為奸 一篇 喈

道觀 俗閉戸而堯舜之道備焉先人有言曰語道莫若淺 其道惟人生人雖多其本惟心人心雖異其用惟 於妻子而得治天下之道觀於僕妾而得治天下之 雖. 清書 則為寇此天下之亂所以相繼而不已也天地雖 四海存心如赤子處身如農夫殿陛如田舍衣食 治莫若近請舉其要古之賢君雖貴為天子富 一經之言不稽二十三代之法不問四海九州之 於身之驕約家之視效而得治天下之道不繙 順逆剛柔之不同其為情則一也是故君子觀 有

香青 聍 以百姓為子孫以四海為府庫無有 為之 亦幾去黃帝之年矣或將復乎 於黃帝二千餘歲至於泰而大亂亂格於秦至於 者國之寶也民之命也實不可竊命不可攘 道也陰陽之 治 海內如室家微言妙道不外此矣孫子日由 富民 也雖有善治不復於古矣日不然陰陽者 日多而亂日少由秦而下亂 ·復其時不失冬。夏之日至是也治 日多而治日 聖

命者 富之源治亂之分也虚取者取之一金喪其百金取 之家藏於巨室之窟蠧多則樹稿癰肥則體敝此窮 罰之三石栗上獵其一下攘其十盡鬻其釜旣之 世矣其妻子傭走之屬食之者十餘人或誣其盜羊 之一室喪其百室免東門之外有鬻羊餐者業之二 矣多致四方之賈惟鑿鼓寫擔輓所藉而食之者 而未足也遂失業而乞於道此取之一金喪其百金 也路之西山之中有苗氏者富於鐵冶業之 是以家室皆盈婦子皆寧反其道者輸於倖 數

牧羊 问 桂之物與之為市者聚矣網錢鐵銀市販貸之石 採 織 取 女娶婦死喪生慶疾病醫禱燕飲齊愧魚肉果蔬 百餘人或誣其主盜上獵其一 Z 席皆至微之業 之 金之 ·河北育豕淮南飼鶩湖濱繅絲吳鄉之民編蓑 華而食之者 **佃農貸之匹布尺帛** 室喪其百室者也虐取如是不取反是隴 資可致百金之利者也里有千金之家嫁 下為上 也然而 無所得食皆流亡於河漳之上 川息歲轉不可勝算此皆 下攘其十其冶遂 所賴之

衆矣 舊之器以為防河之埽不可 資是故聖 棄之安望歲翦其枝 寸之枝絕之也不擾民者植枝者也生不已也虐 一而財 之枝而植之不過三年而成樹歲翦其枝以為筐 尺寸之枝生之也 不產 擅 藉 無人不生歲月不計而自足貧富不謀 可勝 人無生財之術因其自然之利而無以 一室之富可為百室養者也海內之 用矣今夫柳天下易生之物也折 一若其始植之時有童子者拔 以利用哉其無窮之用皆自 勝用也其無窮之 用背 丽 無

來富室空虚 取 不能破人之家室寇至談焚者不能窮山谷而徧 被為吏者星列於天下日夜獵人之 莫如貪蓋十百於重賦焉穴牆 毒於貪吏者無所逃於天地之 有陵已者負篋而去既亡於上復取於下轉亡 密藏羣刃而進者 填壑谷不可滿也夫盜不盡人寇不盡世而 中產淪亡窮民 者也絕其生也虐取者誰乎天下之大 不能奪人之田宅禦旅於塗 間是以數十 而入者不能發 財所獲既多

器不可勝計若是者謂之能吏市人慕之鄉黨尊之 食之 千金其他玩物視此矣金琖銀罌珠玉珊瑚奇巧之 離其父常歎其生之不大馬若也今之爲吏者 裘謂之無能市人賤之鄉黨笑之教子弟者戒之 勸殺之不畏必漸之以風禮 **教子弟者勸之有為吏而廉者出無與食無肉衣無** 裘值二三百金其他錦繡視此矣優人之飾必數 俗欲變今之貪是求白於緇也治貪之道賞之不 人心也甚矣治布帛者漂則自緇則黑由今 知風之自昔者明·

吳俗尚奢何樸若是蓋布衣之風也人君能儉 **胍衷穤之衣皆以梭** 與也吳之民不食粱肉闆閻無文采女至笄而 化之庶民化之於是官不擾民民不傷財人 必金玉梁肉可飽何必熊之蹯玉田之禾吾聞 則因生以制 不居與貨宴質者不兼味室無高垣茅舍鄰 天下大治為君之樂孰大於是哉 取國不知用可使菽栗如水火金錢 取因取以制用生十取一取三餘 布夫衣可布何必錦繡器可 颠

河道日 賞罰則見以為敘官職四政之立盖 食 為 庫 斯雖善為政卒之不固不充不尊不敘政日以壞勢 也堯日 則見以為充府庫政在度則見以為尊朝廷 政者多知政者寡政在兵則見以為因邊疆政在 民充之 彻 明鑒 者奈何忽之 國隨以亡國無民豈有四政封疆民固之府 朝廷民邸之官職民養之奈何見政不 四海困窮天祿永終每誦斯言心墮) 昔者明之亡也人皆曰 非所見見止 外內 加加 政 於 在.

兵也一 災民無所逃命羣盗得資之以為亂馬世奇日治 之勢也非其亡之根也當是之時兵殘政虐重以天 先日出行 於左良玉之兵行者居者皆不得保其身命賊知 鬨 心所若所 附 賊易治闖賊難蓋人心畏獻而附闖也非附闖也苦 國無良將雖有良將忌不能用安得不亡此其亡 而賊又散財賑饑以結共心遂趨賊如歸人忘忠 **苦於楊嗣昌之兵再苦於宋一** 至軱以勦兵安民為辭愚民被惑望風 何能破州縣以從賊者衆也 一篇上 一鶴之兵又苦 施 那耀 降

言見亂本矣當是之時天下之大萬民之泉恒忠無 海 Ĭ 等闖王闆王來三年不上糧民之歸之也如是蓋 兵京師之守以一卒而當數四李自成雖當敗散數 日盗寇所至百姓非降則逃良由貪吏失民心也得 不亡者其不亡者未及其命之定也天留其命未 萬之衆旬日立致是故陝民之謠有之日挨肩膊 良吏勝得 困窮之時君為讎敵賊為父母矣四海困窮未有 天薄其命則生小雄天絕其命則生大雄當 良將去一貪吏勝斬一賊帥二子之 四

逋 孛爲水旱爲山川草木人鬼之妖有小雄以倡之 北丁七丁 亦無如何況羿浞之流哉君之於民他物不足以喻 椎 海 **倡之則長智增勇撼山沸河數百年厚建之社** 以亡也岩 闲窮之時無雄 過中材之主即有湯武之賢一匹天耳欲謀社 **卵**矣若是者皆困發也為奸雄所為也此明之 山澤破城據險旋滅旋起以耗國家有大雄 以身喻民以心喻君身有疾則心豈得安身 四海安樂人保室家誰與為亂雖為君者 下篇上 則飢寒積憂之氣發為災履為彗 稷 則 如

近代之政亦堯舜之政也曰三載考積曷當不考績 失然後來冕可服豆藿無缺然後天滌可享 為民也上天下地九彝八蠻諸司庶事內宮外庭凡 愛民當如心之愛身也非獨衣服飲食為身也牢廢 疾則心豈復不安有戕其身而心在者乎是故君之 所有事皆為民也茅舍無恙然後寶位可居棄笠無 門庭田園道路光有所營皆為身也非獨農桑蠲貸 [敷奏以言亦求言也日明試以功亦論功也以 考功

天之 得有共孫父不得有其子死喪不葬祭食無烹兄弟 朝諸侯命衆職明天時脩庶政興禮樂除凶慝咸底 仇讎夫妻離散當是之時民何以為民君何以為君 事 於績堯知其能敕困窮之民也乃授之以天下其舉 治天下而卒莫能治者其故何也昔者堯之命舜 知堯舜之道 職雖多不過使民不困窮而已困窮之民祖 知縣將見都御史達良輔賦役傳夠備 唇數在爾躬毋俾四海困窮舜承斯命以攝 下篇上 非異盡於命舜之言矣昔者唐子為 ノ芸 誦之

内 歸於養民 養民以論功足食以養民雖官有百職職有百務 如 不堪乎唐子出以告人 對 難 凍餓僵 政也唐子曰古之賢君舉賢以圖治論功以舉 不然舉良吏而拔之高位旣顯樂而去矣觀其境 日有 有女子而無袴者矣女子而無袴武鄉之民其 业 都 御史不問而問武鄉知縣日武鄉之民 生色矣都御史日爾欺我哉吾使 上非是不以行賞下 死猶昔也豕食丐衣猶背也田 而歎日善哉言乎惜 非是不以效治後 也未 觀 * 要 知 何

飢 餓其子是可謂之良乳母乎廉才之吏不能救民之 能養民其去酷吏幾何愛赤子者必為之擇乳母 乎廉而不能養民其去貪吏幾何為其才乎才而 實歸於已 豐 **餓狗乳母而無乳者也是可謂之良吏乎康者** 民儉以豐財才者必使民動以厚利舉廉舉才 也廬舍傾圮猶昔也彼顯榮之界奚為乎為其康 財厚利為徵若廉止於潔身才止於決事 得主母之歡心可謂良乳母矣然而無乳 幽憂隱痛伏於民在堯舜之世議 /下篇上 口口 一類名

若稷契為都御史者若伊擊為翰林者若史佚為給 対日国日 雖在位皆高世之才為大學士者若阜陶爲尚書者 者也朝廷行政羣臣從政未有行左而從右者上 罪當亦四凶之次也安得罔上而受賞哉賢才者 以富民為功而欲吏以富民為務豈可得乎誠如是 非碩薄之資其誰不能而不能焉者未可以答為吏 不乏也仁愛者人所具也身為民牧藉權以行惠苟 召奭為布政使者若管仲為按察使者若子產 御史者若龍逢比干為將軍者若呂牙為巡撫 世

兵文章典禮辭命數榮布於八方海隅以寧四譯 南指雖有絕羣之馬去燕愈遠為治者不以富民為 朝厥功告成天下豈不大治矣乎然而觀於民則 也如是於是輔相無缺出納如衡好愿畢除克壯戎 為知府者若孫叔敖為知縣者若公綽冉求其得 謂女子而無袴者也是可以為治乎欲適燕而馬首 皆棄民之官天下之事皆棄民之事是舉天下之父 陶稷契之才去治愈遠矣唐子常語人日天下之 功而欲幸致太平是適燕而馬首南指者也雖不阜 /下篇上 十五 所

為政三年必效五年必治十年必富風俗必厚訟弑 民之官天下之事皆養民之事是竭君臣之耳目心 思而并注之於匹夫匹婦也欲不治得乎誠能以是 兄子弟盡推之於溝壑也欲治得乎天下之官皆養 必空災被必消勝瓜必至或日子文士也文其言焉 災被不消麟鳳不至則日西出而月東生矣請與子 而已唐子日吾之言如食必飽如衣必媛用吾之言 三年不效五年不治十年不富風俗不厚訟獄不容

有女子 財 也 知府舉數人以對良輔怒日百姓之所謂賢者爾之 堪平陽知府見良輔日平陽之為縣者孰賢孰不肖 達 阚 賄不行私餽雖不絕於府無有以匹帛方物入 謂不肖者也百姓之所謂不肖者爾之所謂賢者 良輔撫山西武鄉知縣見良輔日武鄉之民何 日有生色矣良輔日爾欺我哉吾使人觀於武鄉 不可以為三十四城之長劾而去之當是之時 為政 而無袴者矣女子而無袴武鄉之民其何 7下篇 1 十六 如

司之 縣必日 吾與子約三年之內必使子之民人有數袴武鄉 假其事以明為政之道武鄉知縣見良輔云然且 不敢受可不謂清乎清且明明且仁宜山西之大 而卒不見 郷之 武鄉之言可不謂仁乎觀其察遠縣之賢不肖而 耳目於 門者良輔之所食日不過肉三斤蔬一筐觀其 願受教良輔 民雖貧亦有力也以人之力盡土之生誰 見山西之小治者何也不知為政故也請 知府可不謂明乎已不受財斯翠吏亦 則日武鄉之土雖瘠亦必生

来 就子之功於是月觀其舉歲察其利上計之日舍是 株日生計 不棄於山寸壤不棄於谷勿以文示身往勤之必期 不能子歸而行四境之內棉桑樹牧省宜時作尺 教之督諸縣柏桑樹牧舉而不廢與同功堕而 巡撫肆察府一之舉數千里之內轉相貫屬視 里不病共廣也縣察共鄉旬一之府察其縣月 與同罪是縣 以行進退焉平陽知府當逐易知府見以教武鄉 四其罰也敢不盡心山西之地五府百州縣方數 下篇上 其賞 其罰而府三十四其賞三 聽

豪貴之門見其從事之出入者皆貂冠腋裘則自 倍與之爲絲絲入則倍與之爲肆市入則倍 指使如在 有尤之者日子誤矣彼之所用不即子之所習也子 勞於鄉里為也乃援而得人而歸辭乎其鄰鄰之人 政之大略也震澤之人有善計者與之為稼稼入 魚鹽之豎不可以為寫也誠能入於是門主人幸 日吾處於鄉里所與不過升斗之人所與賈者不 我出我之壽策以主計筦利必大得所欲毋徒 室奚啻山西故宰制四海有餘矣此 H 過 過 而

さ 必 服之帛段不由蠶得所御之器物不由市得負子之 固 乃再拜辭乎主 狗馬之足鷹鶴之翮也其所食之果不由稼得 門見善計者敝袍而出面有病色招之 何見之不番也被豪貴之家獵財自厚其所 何為若是日主人無所用我故至於是鄰人笑日 毋往不聽而去去之一年鄰之人故往 以干之將安所用吾固知子之必困於此也於是 善於計也非不善計不善主也 |下 | | | | 人隨鄰人而歸由是 人皆謗之以為 ナベ 問 過於豪貴 所問 用

則有功言不可行也則存其言以公之賢復得進用 中允徐公召用唐子送之而言日甄聞之言可行 **斃聞之生養之道三年可就五年可足十年可富政** 心有感焉結中必發故言之言之不可行知之久矣 也金錢所以通有無也中產之家嘗旬月不覩)常也清與五十餘年矣四海之內日盆困窮農な |空市空仕空穀賤而艱於食布帛賤而艱於衣舟 市集而負折貲居官者去官而無以為家是四字 存言

於遠方男之美者為優惡者為奴女之美者為妾惡 厄丁子丁 為姆遍滿海內矣困窮如是雖年穀屢豐而無 |朝則熄無煙寒則蜎體不申吳中之民多鬻男女 良買無算行於都市列肆焜耀冠服華膴入其家 樂由是風俗日偷禮義絕滅小民攘 人格錢無以通之故農民凍餒百貨皆死豐年 偶文學 〈殉財 也徵之 而 /下篇 在昔 如博奕人心陷溺不知所底此 不知恥谄媚慆淫相習成風道德 苟無害民之政未 利而不避

此是公卿之過也立國之道無他惟在於富自古未 兵革偃息國家無事享國歲久勤於庶政而困窮若 **有國貧而可以為國者夫富在編戸不在府庫若** 尸空虚雖府庫之 言者無 「矣國家五十年以來為政者無**一** 孫莫不求富而憂貧何其明於家而昧於國也 一十年而民不豐殖者今也 人以富民為言至於為家則營田園計)財積如丘山實為貧國不可以為 天子寬仁而恤民 一人以富民為事

紛要政委棄譬之樹木傍蘗叢繆而枝榦枯朽矣當 百職不脩庶事不舉奸敝日盛禁例日繁細事 奉車者但求厚載而不顧轂之利轉也若 時指謂在位無賢也行政不善也良策無出 則怠久則忘本政之地亦且自廢而自掩之 匿交免以文格而不達舉而易廢始非不 者文牘榜論充塞衢宇民若問聞吏委如遺 奚治令行則治天下奚不治令不行則不治 者雖官皆聖哲政皆盡善使閱天散宜生之 下篇十 厲

屬議為憲令周公裁之召奭貳之史佚文之布於 然令不行於子則博奕敗趨令不行於僕則析 勤令不行於妾則壺餐不治令不行於童子則 未常入民也循石季之飲藥也十口之家主 舉藥不飲而覆於牀下也乃復迎醫進以前藥三 為是良醫也奈何寮之而病不除他日竊窺之見其 下亦不能少有補救也會稽之東有石氏者其季 而疾已夫國有善政而德澤不加於民者政雖善 唇迎良醫治之久而不除謝醫使去其父思之 一人雖 一飲

宜之 衆日吾欲使民皆桑可乎皆日他方之土不宜桑若 桑焉乃使民皆樹桑衆又曰昔者阿巡撫令樹榆於 而 示於四境唐子笑日文示之不信於民也久矣乃擇 鞭笞而不成今必不能不聽違泉行之吏請條 賦 人貴能行也昔者唐子之治長子也其民貪終歲 如駑馬之 除以此為家共家必索況天下之大乎駿馬病 民皆樹之毋俟今日矣遂已他日遊於北境見 不盡 入璩里之民五月畢納利盤也乃福詢於)疾馳勇士折肱不如女子之力舉是以 ▼下篇上

知之者三出入其廬慰其婦撫其見語以璩里之 於桑不可失也一 男女無不欲之者唐子日可矣乃使璩民爲諸 知之問於孺子孺子知之三百五十聚之男女無不 為乎日以 再出遇婦 分種焉日省於鄉祭其勤怠督賦聽訟因之 檄不撻一人治雖未竟也乃三旬而得樹桑 八人告於民五日而遍身往告於民二句而 樹桑問於老者老者 人於道使人問之日汝知知縣之出也奚 一室言之百室聞之三百五十 知之問於少者少者 富 師

難喻無信莫從所從來久矣是以治道貴致其實也 勞而信於衆乃能有成夫多文藏奸拂情易犯不親 羣臣奏入下於有司公卿集議復奏行之其所行者 治若徒以文也譬之優偶之戲衣冠言貌陳事辨 舍是無以為政然有治不治者以實則治以文則不 著為故事因時增易百職準以決事自漢以來皆然 萬長子小縣也樹植易事也必去文而致其情身 不合度而豈其實哉以娛人之觀聽也君有詔旨 陳奏官有文書市有膀諭此文也此藉以通 /下篇上 主

實也茍無其實則謹守成法者敗治之公卿也明習 之侍臣也三者非不美也而專尚焉則表暴日厚忠 其治功則無 律令者敗治之有司也工於文辭嫻於言貌者敗治 不如意主臣一 同之 必達終歲必效三年必成五年必治十年必富 備遺忘耳奚足恃乎君臣相親朝夕無間飲食 日薄察於內外稱職常多核其行事無過可舉 如匠之於器日夜操作則手與器相習而 心夜思蚤謀無謀不行無行不達三 事之善成無一 民之得所上下 無

如長子之 其情此治化之所以不行也雖然行難矣近與遠異 與三人期畢至者十五與九人十人期畢至者十 二百二十為縣千一百六十必官其地治其事者皆 **異心况天下之大乎海內之地為府百六十二為州** 風少與衆異勢門庭之內常不盡見伯仲之間亦 而成苟免之風雖有志之士亦將靡然而不得自盡)所藉以妙其用者也令夫與一 不在也大將居中提兵十萬副黎遊守都總)樹桑而後天下乃治是不亦難乎權者 ▼下篇上 人期至者十 耋

也而奚有與蓋不善用之則萬職之利轉而奉之於 之者惟十約而易操近而能燭夫尊甲次屬職之恒 以及隊百什伍之長轉相貫屬如驅羣羊齎生赴死 用 及海内其功大功大者賞厚十職不正毒及海内其 不敢先後何則權在也乗權之利如軸轉輪乗權之 - 善用之則十職之修轉而布之於萬十職能修譯 百以百用千以千用萬是則君之用者有萬而憑 如響應聲乗權而不能行恥莫甚焉官有萬職 身賢君之用官如大將之御衆以一用十以

抑之 愛莫甚於妾人生之重莫過於母次於妻者又莫貴 於妾而輕於去之者何也不去則愛不及於子也此 乃愛之而不忍傷之重之而不敢拂之貴之而不能 言雖小可以喻大夫人臣之愛未必暱於妾也人臣 生子唐子甚愛之而妾不恤教之不從則爲之爲之 不從則撻之撻之不從則去之攺而後已夫人情 重未必過於子之母也人臣之貴未必等於妻也 罪大者刑重此舜所以誅四凶也唐子之嬖妾 人也未嘗樑刃而百千萬億之刃肆行殺 下衛上 异四

寬恤 能越隄防而灌溉 附貴是刑者交相為利之物也法安得行民安得 於貴假於賤則刑約而能威反是則貴必市賤賤必 **肱殭臣為拇指庶臣為毛髮戎臣為衣履是以仁** 刑先於貴後於賤重於貴輕於賤密於貴疎於賤決 (澤乎恩義之大莫如君臣親臣爲腹心政臣爲 雨露至渥也不能 目行考績日嚴流殺日具而民常苦生而甘 期然而然者當是之時雖上有賢君惠澤 何則有隔之者也是故善為政者 入陶穴而滋生泉流至澤也

之待其臣安富同樂疾病同戚厚之至也聲色不 也若之何不刑愛德為祥愛殺人之人斯為愛乎忍 **貧勞不恤猶為亢而少恩況加之以刑罰乎此以待** 亦有時乎為之者以刑狐鼠之官以刑豺狼之官而 德為凶忍於殺人之人斯為忍乎刑不可為治也而 良臣也若夫專利蔽主狗私黨邪是民之讎國之賊 民日生日 也英主神之羣臣不得與常刑以齊小民變刑以 重以刑匿狐鼠養豺狼之官國有常刑有變刑常 刑也有司議之人主不敢私變刑者雷霆之

寒疾也不却穀而飲藥其人必危疾愈却藥而反穀 爲用若道之有方入之亦易宗祀其父雖爲非禮 也不遠矣 罪質之而不得其罪速之獄而不得其罪非雷霆之 元惡元惡之臣多援要譽其罪難見察之而不得其 於魯之 何以治之德外無治不言德而言刑者猶醫之 諸帝難與言者莫如世宗然其剛敏之資亦可 格君 郊稀則相遠矣猶不失人子尊親之意焉當 治

復生且 也至於 其求仙之意視人之 非陛下之 愛而護之蓋德其生我也其不可奪如是雖舜 臣可止止之不可止置之其勿以此犯之可也推 皆生我者)臣可正正之不可正置之其勿以此受杖寫 拒其言而不納乃進諫者皆折以道學之 好神仙亦人情之 脩 也以是之故雖以嚴嵩之奸已發其 玄也臣惟恐陛下之不脩玄也 ▼下 篇 諫我者皆殺我者也人之助我)常且未嘗以此廢政當時 禹

道所居也却塵非清無欲為清獨處非靜不擾為靜 於所嗜是伐性之刃而敗道之賊也黃帝之遺書 **石谷神谷者神所** 養其身天子以天下為身兼天下以養身黃帝 雄也大生之本也綿綿若存恒也用之不勤毋躁 月照臨氛霧無障清之象也深淵冥冥喬嶽安安 體也不清不靜則神不存而氣價偏於所惡偏 則神 丹藥道之餘也庶人有身天子有天下 可以御氣氣可以養形形不壞而長 接也胡云玄牝玄者不暴也牝者 庶 胡

戰 麟來遊鳳鳥來止於是上 先日世日 長齡而上 其心不以喜怒傷其體上有黃帝之君下必有 不失其序 如治 生舉兵征之禽蚩尤而誅之當是之時天下 阪泉之 能學黃帝之道居心玄漠靜專純 姓和樂 身不使有疾害焉於是總其兵師與炎帝 野三 仙焉是豈有異術哉清靜之 五穀豐熟民人養育日月不失其明 風雨不失其時災害不生嘉祥並至 /下篇上 一戰而滅之蚩尤作亂行不由義 一帝嘉之以為不預所託子 王 所致也 不以好惡 無

強遠 其競躁之心消其亢悍之氣而治理可徐進也焉 指授脩治之 臣聞真人者逍遥物外無求於人不可強致者也易 ガリ 雪E **砭 花 憩 言 使 君 臣 之 際 至 於 兩 傷 哉 莊 烈 良 於 世 宗** 后力牧之臣陛下垂拱於上百官脩職於下兵革 亦可為之君 水流濕火就燥言各從其類也陛下誠能養心復 羣生並遂 人畏服 方矣世宗聞是言也必心悅之可以 無為而天下大治豈復有邊境之處哉 是真人之契也無俟旁求必駕羽來朝 也繼位之始能太監鎮守及織造之

矣當是之 無事之時則為美言言於危急存亡之日則為做 訓為無實之美言弟謂奄人不可 其不得已之 所 言不可拒雖有善用言者將何以用之此陳於太 專將率以青 使之治兵而兵無用使之治賦而用不足盜寇 國勢日蹙於是乃復用太監橫征無義此其計 知其不可而為之誠可憫也乃當日之臣不諒) 時若 心不察其不可轉移之故守詩書之 ·
効節儉以足國用此 有明莲 下篇上 國事之人謂溫體仁不可 人臣見功之時 用加賦不可為直 六 無 恒

皆沮之 戦 少舉. 進 柄 諫)愛我 者 さ 而 7 孰 而自 場朝受 謂 問其計 死故 以為道遠 困 也至矣我非不 督鎮無人必舉就可以任將帥其所舉之 可為相者謂楊嗣昌不可用必舉熟可執 止矣我常無食有可從之而遊平京者 不得 任. 至於死雖勒行亦不行也沮者皆 明如指掌實有可行措之朝廷之 丽 難行又所求不可知我日三三友 已而為此行也諸君誠能為我 タ見功則奸佞不攻而自去 知此行之非計也且夕無 横 炊 攻 征

也是 觀 有咎矣 先行世行 也 無 直 詩 兩 惟 致 當 者也固益增其煩懣而惟恐其言之入耳也我 恐杖之不加於身而煙瘴之不得至也何昧昧 治之學紛紛然攻權奸謫橫政彰君過以明 朝之臣無誘君之 日之進言於莊烈者皆不能救其死而徒 相 如 暴盆暴以昏盆昏卒使明不得後亡 蜩 如蚺如沸如羹言雖忠直實蜩螗沸 下篇上 術無取信之實無定亂之 え

用舍 利 國之 得 也 國亡 百 而 全金 道有十 恥 困 君或蹈之不必暴亂 其能國亡 明國亡 的 栗殫竭不足以厚祿食養戰 窮司牧 國亡將帥 也人皆酌之皆欲中之以 焉有法 不 右譽之 知知而不為之 奴使宦寺使與國政而號為 不得人士卒不用命 而無實國亡賞罰不中國 而褒顯民安之而 如桀紂者也君)所國亡 士國亡 國亡御 深宮 貶 百官 利之 黝 此 國

使 於是 **佐打住打 駭世忠臣義士** 旦タ之 矣 即位之 變憂勤 音 也 民者以良薦覆軍 入其術 富貴不知皮盡 引藉於左右之口其揺惑假於優 莊 初 佞以忠進詐以誠進其耳目達於宮庭 烈皇帝亦剛毅有為之 十七年無酒色之荒晏遊之 孤立無助除滔天之 者 肝腦塗地徒殺其身 下篇 且自以為聰明過 而毛無所 者 以捷 大逆朝廷晏然 聞功 附) 君也以藩 而權 且安然 三十 人無微不見 非倒置誅 臣賊 人之諧 加 闡 自 繼 貨 以 穪

死祉 才也袁崇煥以問誅孫傳庭以迫敗盧象昇以 於 稷 高自是舉事不當委咎於 故老言之至今流涕是豈亡國之君 死使當日者有 然而跡莊烈之所為雖有居正不能 **時嫉無所施各盡其才而明之天下** 三人者皆良將國之寶也不得盡 何也不知用人之方故也當是之 數舉數罷易於敝帚百職之 張居正為之 人無擇相 相 則問必不 其十 時非 循 而 而

何 虎狼 於儀泰將卒無忌誅焚劫略毒於盜賊百姓畏兵 亟 由得 廟所憑社 牖 可易古之為)權自宮中至 一賊如湯武迨乎季年主處瞀亂無所適從 其所措讒者誅 四方解體而明遂不 人乎是以援 可以改作 [稷所賴] 國者 篇 植黨充於朝廷傾 得 可以 可以 朝惟其所裁 毀者罪之蓋大權不 輕為進退者 賢相必隆師保之禮 數新至於棟梁則一 可為矣相者君之貳 手 也譬之 邦國 八奪位 險 成 構 重 如

中 A 為尤難权世之人矯情飾貌矩行法言雖兜可 能 阜夔盗 必尚廉將必能逞士必能死府庫充盈奴僕懾伏 可 而良再飲之而效三飲 用舍不患不明毀譽不患至前田賦不患不治 以有為也國有賢相 |者皆可無虞也然知人之識自古為難在叔 不良再飮之而無效三 跖可以為彝惠猝難辨也然則中才之主烏 不易知 功 之而疾去者必良醫也一 則不可掩譬之飲藥 法度不患不脩賞罰不 | 飲之而疾不去者必 飲之 患不 以 世 飲

ŧ 戚繼光委以北邊遼左 亂 百官凜凜各率其職紀 夕立見者也為政十年 艮醫哉任相之道亦然張居正之為相也拜命之 也人 È 之嚴嵩判若 用凌雲翼平羅旁之 八籌邊料敵如在 河淮無患居正之 、雖至愚豈以疾 黑白矣 下篇 目 主雖至愚未有以亂政為 亂並拓地數百里用李成 前用曾省吾劉顯平都蠻之 海內安寧國富兵強尤長於 去者為庸醫以疾不去者為 屢捷攘地千 綱就理朝廷肅然其效固 如是雖有威權震主之 里用潘季馴 彭

為股 盡 准書 血 從 相 写自高 顯帝之任居 氣未 無規不改雖 初 忠竭才為所欲為無 託之重 以安社稷為奸相 肱尚不 鮮克有終能 剛故憚於師 恥於下人故也顯帝當幼弱之時童心尚 又加之 正也畏之 太甲 師 以 用 賢 傅 居 保 者 成王有所不及是以居 、母之 也然則任相之 正 不如意 如嚴師信之 敢 而 訓而 然以萬乗之尊不得 為非及其稍長念先 不能保其終者 可謂盛矣詩 元輔才大功高 如筮龜無言 道豈難能 正得 何也 **I**靡 帝

紂之暴君臣之際反覆如是可不為寒心乎使當 流其族屬至欲斷棺戮屍始有明良之美而終為桀 功之心不勝其合怒之心於是削其官爵暴其罪愆 矣曷亦念手挈十歲之童子坐之 氣騎盈讒問得入則居正覆巢之 居正 海內服從澤洽中土威暢四裔使高帝之天下 而受挫於其臣內懷忿悁固已久矣及居正死念 一尚存勲勞日高顯帝之齒 此誰之功與是則據遼宮之罪小安天下 下篇上 南面之上奸亂不 禍不在身死之 漸長四方無事志 H

宮室未為過也奈何身死之後憾及骸骨曾不得比 為哉是故人君之患莫大於自尊自尊則無臣無臣 之子孫人亦有言往事則明當事則昏使居正當 莊烈之世天下傾危將相無人乃追思昔功官居 烈之世舉以為相朝受命而夕被誅矣尚安望其有 於狗馬此良臣謀士所為望國門而却步者也迨乎 既亢必有宇宙玄黃之 則無民無民則為獨夫乾之上 功大雖割江陵 縣以為封國伐荆楚之良材以營 九日亢龍有悔龍德

於此矣輔少主進退百官易置將帥九邊戎事奉 張居正位冠羣臣進為太師天子不名人臣之貴 諭書凜於詔勅人臣之權莫重於此矣匡君進戒節 用豐財百務脩舉海內安寧命將征伐所向成功 裔畏服邊境無虞人臣之功莫大於此矣登高則身 可不戒哉 善功 則權墜物成則陰殺必至之勢也此伊尹之 久居周公之 所遜而得免者也況末世之 三百四

吏 以為罪而不辯焉入閣議政則推讓而不敢先焉 也 極 功之有百僚進規則拜受而 臣乎使居正於斯不矜其能不伐其功上褒其富 (博錄之屬見之而禮有加焉入朝則秉笏如不 一侍側則鞠躬如待罪也社稷已 將克敵之 功則日此有司勤勞所致也臣何功之 代歸老江陵豈不善始善終哉 恐人之不我屈權已 功則曰此將率之略士卒之力也臣 加謹焉身被劾奏則 循 一安規模已立求 乃不知道 恐人之 有上賞其 此位 勝 國 郎 何

功已大矣猶恐人之頌我者不至時當退矣猶固 自甲也立威乃所以自侮也好譽乃所以自毀也求 固乃所以自滅也是故有為相之才必有為相之學 使居正好學自脩不矜不伐可以從伊周之後矣 解顯帝猶為能忍之主也不然不待遼宮一女子 訴早以身死經毒族無遺類矣是知居高乃所 不能釋主念積於中羣怨結於下其禍已成不可 遠諫 諫雖諫不直直亦不 一一篇上 圭

人散死亡奔流如四君者一朝為烈矣今夫富家大即亡禍成於漸不及其身在其子孫天命已去臣叛惡倒置似亦庸君之常未足大異然有一於此雖不 也 人散死亡奔流如四君) 跡其所以亡者圖妾蠱志權奸蔽聰濫賞淫 流之自夏以後二十 雖 朋 至於滅絕萬金之子驕矜淫佚廢其田宅其親 不幸而身陷刑辟循可以保其妻妾全其子第 有恤而周之者雖失其故業環堵之室布 ●下篇上 一代之失天下者其禍

災流行野無青草民之凍餓而死者枕藉於道迨平 之非君其誰乎世之 天心厭亂或一二十年而後定或數十年而後定或 失火之主至於破家亡國流毒無窮孰爲之而孰主 ·· 第死亡無遺類四海之內覆軍屠民原野厭人之 邑十里之 年而後定海內死者非算數之所及矣亡國之毒 川谷流人之血不惟兵刃男不得耕女不得織 此哉川流潰決必問為防之人比戶延焼必罪 那朝屬于東夕屬于西旋陷旋復父兄 下篇上)腐儒拘於君臣之分溺於忠

能治之也天下之亂非臣能亂之也使舜內惟一 亂使紂不聽妲已之言含佞臣而用比干膠鬲雖 之名宋人弑其君杵日齊人弑其君商人莒弑其 **传臣紂之天下必治治亂在君於臣何有不責其臣** 庶其晉弑其君州蒲莒人弑其君密州吳弑其君僚 而責君者非吾之言仲尼之教也春秋之法臣弑)論厚責其臣而薄責其君彼烏知天下之治非 聽從外舍臯夔而用四凶雖有皐夔舜之天下必 罪在臣稱臣之名罪在君稱君之名而不著其 有

昏隱其臣之 恒才常法可以為治君惟不道雖有大賢良法亦 賢不賢惟君政無善不善善不善惟君君惟有道 **也君而不君** 名著於春秋罪在賊臣之上可不懼乎人無賢不賢 君惟不道不君其君而後動於惡非人 『庶過及十 亂是故明哲之君無所為恃必責於已知天子於 **水亦有嬖妾南威西子身之蠱也亦有便侍竪** 名若國人共誅之者豈寬弑君之賦哉 國人不與社稷不保國家危亡而且 下篇上 禍倍百千戰戰兢兢如臨深淵 手 八弑之自弑之

之主可以保天下其有暴君終於不省樂禍不悛 滅子孫血流海內屠及百年吾為此懼於百世之 勃鞮家之蠧也亦貴所好巧言令色朝之賊也亦賤 有如前之所言者是謂遠諫亦諫之一 訓百世以下之為君者若聞吾言懼而知敗雖中 明君欲與上 **所惡良藥錢石國之實也若反其道則上 百以為名順時以定職期于允宜以安天下之民家** 卿收 一治舉賢以任官必審官以盡其所學稽 一法乎 一禍祖父

鮮春 授當陟使陟當黜使 其所 也五 綱萬方弼亮一 卿皆然不可以不正請復名為家宰家大也宰 也而其大者則在用人周官掌那治統百官均 相天子無所不理今名為吏但主 統也宮朝畿州華裔文武政事皆其所治 卿諸寺諸司史曆軍將儀衛奄人羣牧守令 用人在其中當申命之以重其用人之責 明博 人君在代之理君崩攝其政乃其 綳 不過注簿 周朝之卿士日夕所見豈 小吏烏得為 除吏當授

士之 功實由 能無沉淪之歎俊傑有奮與之路內外之官無 一才長短即可馮以為 居此 口皆可審察而知之其政得失其人賢不 一職聽命嬖罷不得邀厚旅貴戚不得竊尊位 近 位者 以奏不專治平治平實由以成斯 所蔽形于別奏流于諮諺聞于計吏僚 邦織至于海隅苦樂豐飢其長不敢 制賦當從今職以敷教歸之 不兼庶政庶政實由以舉 黜陟為易置天子 垂拱 191

廢越必使民有餘藏國有餘用雖天災流行年穀 **砘時贏組稽蓄散愼出納制為成法授之有可毋敢</u>** 受以司空地利之任今名為戸按戸納租不過守籍 石之攻疢疾天子不得有私用之財後宮不得 土乃治土治財乃生財生用乃足泉為那本土為 財用為生民之命司徒之職重農功籍土田審 小吏烏得為次卿請復名為司徒徒者衆也有衆 飾貴戚不得有田宅 不困去貪黷如鷹鸇之逐鳥雀去苛飲如 一饒民庶不得有侈麗之

也禮行于宮君毋驕后毋陵嬪寵毋踰適立毋易庶 愛毋干禮行于朝君母過尊臣毋過早凡爾百職 也禮出于身為天下師為百度長上下從之 不敢違師如少之不敢先長名為宗伯所以重其青 年必生五年必成十年必富斯無黍于司徒宗伯 **教擾民以端治化小大由之有所視傚今名為**體 言其道未顯其官請復名為宗伯宗者師也伯 不伐有能不矜居上 不以征伐傷財不以營作傷財不以多事傷財 一不騎居下不援禮行 如徒 敷

可乎請復名為司空宮室美則山林空衣服麗則 絲空飲食侈則牢 一但不可名為工名為工是上 知做 |空虚農民失業其害大于盜殺必申戒有司懲其 無來于可冤司空所掌則如今制以從周禮之 得罪民安共家不罹 所 不知熟敢 臣也時 一下が開 · 琳 空 名 為 空 者 欲 其 不 空 也 不盡心于獄 則淫 者不復反多所亡 漏殃冠賊奸宄無纍以 物豐 一卿下夸于殿工矣奚 如是則臣安其職

之家鮮克由禮敝化奢麗萬世同流奢麗之風實 升車增甲楯于是民不費財農安耕作養老育幼 東吳三代尊卣不御汝定陶器不御苑囿不廣 元翡翠不進于交廣珠 幾不進于雷池織繡不造 有明鑒不可 夏亡紂作奇技而殷亡幽王殫杼柚之力而周亡 不蓄柱柏不植杨荔不嘗無征伐轉輸之 (業斯無黍于司空六卿之 斯位者共朝 不懼 楩楠不發于荆蜀丹青不進于 夕陳戒于君告以太康好峻宇) 貳皆卿才也亞長) 勞以

從漢制名為京兆尹貴戚有訟决于是六軍犯法 可徒之貳日少司徒各置左右其次四卿皆然六卿 **京兆尹卿尹如是餘官可定也內有六卿外有羣 有退者即以代之其任如長嘉績並著斯無泰于** 京師天子之都今夸為府京尹重任今為閒職請 一侯公主后族奄奴嬖幸不得肆行豪俠不)甚請從其長之各而爲少冢宰之貳日少宰 鄭皆天 得潛藏京師肅清郊圻無虞斯無黍 ·大臣也今名為侍郎即微官 四四四 卿

古之 官盛衞 乃
元
紀 行道霆震上下隔 既革其并革之昔未有巡撫三司分治賦兵刑 而後及民天子 朝祭跪拜早于奴隷卿屬無此禮乃行于外 子挫志士是教天下 制也今又以巡撫臨之非由內使虚有廵名多 固 如是亦何與于蚩蚩農民項瑣婦子都 都御史之威恐喝官民府縣之吏入見 一人六卿在內不周萬里故設 絕禀令發命三累而上三累 亦革之而復立州牧 以無耻 何以風有位出入鏡 以

有短隨發攘除百姓不驚其于守令重之 禁共跪拜春秋會盟之禮五等之엵雖有上) 如第姪以事時見降階以迎登堂以揖燕好 時行視少從省騎裹糧束夠步田胜入 艱從欲去惡目見遂行軍伍脩整武備嚴密 同 伯子男豈若今之外吏尊卑懸 如召伯巡行遇有訟者就决于樹 而統于牧牧者養也當下其尊而與民 **歃同盟其相稱皆日君日寡人大國** 下編上 如保 、廬舎訊

盐其職境內無虞斯無黍于州牧古人有言日非知 功罪明列不敢隱蔽牧考則諸績聽于六卿于是各 牧于守令當敬之以禮賢親之以共勵及考績之年 亂社稷安危皆由于此其道有四一曰專天子有六 制為郡守為縣令守者保也令者善也保土善民也 成功失道則雖篤于用賢終于才糾而政廢天下治) 艱行之為艱府縣之官以知為名非義也請如漢 ,卿既得人任之又有其道有道則能盡其才以告 善任

故終陟元后若棄爲后稷契作司徒阜尚作士 其尤長各用其極 身不易使八臣互易其位豈不可以為理終不 所能及當法此以任官既有成績終身不遷老 作處伯舜作秩宗夔典樂龍作納言專典 必舉賢以自代歷年既久守官既專其憑益 為用各專其 一下篇上 、職唐處之臣惟禹爲無善不 日虚天子 以唐虞之 治巍巍如天非後 哭 垂 職 熟 備 惟

多三日親天子有六卿當如魚之得深淵鳥之得深 絕墨斧斤引之既直斷之無爽官室乃成雖垂班之 谷訪時見敷奏時見暇像時見燕飲時見嬖妾媚寺 **兀老格其非心講道論德以補闕裁過毋作聰明以 几分疏亢欲其下疏欲其親故下之若舅親之若甥** 一居高易縣處富易侈敗度敗禮當不自覺尚賴 亦不能廢人君長于宫中天下之事不能周知而 用毋作好惡以遊法毋拒忠言以聞過則受益為 以游以處不欲久間古者謂異姓之臣日甥舅勢

常班定分不 等于土垣豈為小災所傷當視此以禮上卿上 而絕于六卿待 **、過不退不錄其小失不加以小罰凡罰月奪其餘 共餘累降其階此罰但可行于卿貳羣牧以** 山隕石何損于山大明不同于炬火崇岡 久則與化四日敬六卿有過如月之食何 臣同心上下 可以言敬如是任之專受之虚待之 以師賓之禮不敢 而遠之以專于有道 煩責是謂能敬若 如江河之 親

職澤不及其子孫仁 **讒慝之口君無不測之恩威臣無不** 不變始終不易樂哉斯時君 富貴功大 不酬無施不報為 致太平朝廷百姓並受其脳而榮不 者報之以封爵夫尊為上 風 所被天下大 仰望必多故九命食祿 人深所不忍是故勞久者報 人臣者終其身以死守官佐 故為兼官若內貳外 、治吾聞君子之道 和干 一卿祭 燕飲

身或一二世或數世或世世不絕斯報功之典無缺 武勇欲人致死于是乃創為制非軍功不矣此衰世 如是則忠上惠下各點其禮君臣之道乃全 所以崇德報功後世以征戰奪天下勒叛亂專尚 ·滁官其適子食其庶子時發其後孫古者列爵惟 動勞于天下宜囚其功之大小封為矦伯或止于 制豈可為法凡六卵能進賢富民靖飢變俗是有 六卿得兼公孤而絕于下老而請歸則營其宅仍 (兼武臣總兵亦蒙師保之名其義已甚故 下篇上

立之牧又為之監司劉有人司菽有人欲厚其原食 尹各有貳有屬共諸太史國學曆象圉牧儀衞饗 家百羊為羣以一人牧之足矣主人處其不周也旣 而羊息不足以供之薄其廪食則必竊芻與菽而 一瘦而多耗矣多官害民亦猶是也內有六卿有 、賊故養民之道必以省官為先務焉今夫富人之 (無多人也京營之卒十萬人司馬 即為元帥 不得不薄祿薄則侵上而虐下爲盜臣為

別置武帥 光丁 上二 任事之臣大略不過如此今之所謂重臣我以為閒 者有六官焉皆可幸也六官維何宰相也太子之 帥不别置武師但不 以從于少司馬則外戎職亦不多人內外執 在代其方寧則收親行其方不寧則使其貳率 其驛倉諸司無多人也鎮屯之卒即以州牧為 亦不多人外有州牧有郡守有縣令亦各有 都御史也諫官也總兵之官也家字 丁篇上 **神有事則少司馬帥以** 偏神有小寇則使一 **坚**无 將討之

皆可為師乃別為之立三公立三孤立詹事多其官 多聞可以總史官修國史翰林不可華平六卿之尊 **貳皆老成明達其學可以進講其文可以掌部令其** 世更别有相加于三公之上者宰相不可革乎吾聞 屬雜沓盈庭此何為者太子之官不可華乎六卿六 百官均四海伊尹傅說周公皆為是官不聞商周之 藉於都御史都御史不可革乎六卿六貳進講陳戒 **秉天下大政百官受成除慝糾繆豈有不足更何斯** 師教泉子不聞衆師教一子孺子入學六卿六貮

決勝何必猛如虎貪如狼者乃可為大將陽明子 不可革乎兵者自然之理人情之常審勢好謀可 師箴矇詞百工諫士議于學庶人謗于道皆諫官也 命之憂總兵之官不可華乎革此六官并其屬所省 子特不納諫爾苟能納諫何忠直言之不聞諫官 致師挑戰勇力之士軍中所賢但可使之為偏 州牧可以靖亂可以禦寇盡除強鎮又無擁兵逆 可使總三軍為大將是故內戎屬之司馬外戎屬 以知府為將而成大功前事之驗也先登陷 一下篇上

品之有從也自元魏始也衰世之制也九命足以定 典者取周漢之官以更之官之有品也自曹魏始也 之制奈何至于今無正之者子賤士也不登朝堂不 經適以滋多官之獘其害為甚不法先王而襲衰世 尊甲矣而周之恒命猶缺八九不病其簡也夫更命 多矣官既多省當從周九命之數其官名去鄙冗不 然後祿可制也 見國典不能詳言竊謂可省之官大略如是官旣省 為品猶未有害乃品分正從重之而爲十八繁累不

班祿而以石差降及于唐未之有改其在于今曷爲 自天子至于縣丞史皆食于 者周制侯七命雖大勳勞如太公周公爵不過矣 石三孤八命二品為八千石六卿七命三品為七千 不可請用漢制而損益其數三公九命一品於九 石六卿之貳六命四品禄降其卿二為五千石京尹 于農夫食人之數井田既廢田不可分至于漢以穀 品如卿貳禄降其二為三千石六卿極尊為三品 農是以古者班祿亦

品祿九千石兼三孤者如其命爲二 之屬及諸卿寺國學史官司曆之類則自二千石以 唯六卿得兼餘不得兼六卿兼三公者如其命為 降至千石牧守之屬縣之丞尉及他末職則自八 **十今之三品以兼三公故稱公公孤官不備為兼官** 益其祿爲干五百石牧守之貳則自干五百石以 五降至千石其次末之屬則自八百石以二 五品比京六品爲二 百石州牧六命四品比京五品為三千石郡守五命 一千石縣令四命七品比京八品 一品解八千石 一降而至 卿

二千石有中真比之分自二千以下爲上中下之 上二千石則二千石中二千石則千二百石下二 以實其餘命雖多品雖崇無重任無民責當如漢法 之子孫繼世者公比卿為七千石矣比卿貳為五千 州牧酌以前代之制定為衞尉都尉干夫長百夫長 石伯比京尹為三千石皆以實武臣內屬司馬外 與一百八百石以下亦以是差之百石以實功臣 號共祿則自二千石以下如卿牧守令之屬以三 一降而至百石卿貳京尹京令牧守令之禄皆 世

京師石栗雖賤不下千五百中原之麥衡湘之米非 臣也卿武京尹京令禄以實者重其任也牧守令禄 或純以錢六卿得受九命之榮食上公之禄者重大 名而無實遠方之吏不得賴祿以爲家矣計其值雖 等次降之百石以實其有征戍之勞則益其祿贍共 家有功則厚其賞養有大功則封爲矦伯不爲限 而各增益共石若山巖之邑不毛之地則多給以錢 不能如京栗之值當石以干準四方歲報栗之貴賤 凶歲石不過三百若準以石數則千石不過三百有

秩從尊而滁從降者所以別勞逸也百石不降者恤 輕重得宜而滌可均也官省則吏役亦省滁厚則廪 不限賞者重戎事也遠方之滁不計石而核其值者 小吏也繼世而禄降于爵者不任事也武臣有功勞 食亦厚可從而定已凡人之性上者有義無利其次 **经實者重民命也縣令加五百石者保赤子也其他** ·虚惠也栗少以錢者通其變也如是則尊卑有別 利思義其下見利忘義上下少而次者多厚其祿 以與義也上者不德而忠其次德而後忠其下 /下篇上 五三

德不忠上下少而次者多厚其祿所以勸忠也與義 泉府之錢不可勝用而何有于百官之祿 殫亡太倉之栗非共栗府庫之財非其財而奚啻王 勒忠所以厚民生也有患此者謂國用不足百官之 **滁縣增十五倍將焉取給是殆不然君臣驕奢民生** 不忠政事之不達反是則政雖善不達凡政之大者 有明君則有賢輔有賢輔不患有司之不良有司良 百官之禄君臣恭儉民生富庶太倉之栗不可勝食 達政

豐穀土田不荒蕪為上善政一桑肥棉茂麻苧勃鬱 為上善政一山林多材池沿多魚園多果蔬欄多羊 不為上善政一原蓄不私斂發濟不失時水旱蝗螽 **必縫衣責治者必養民養民之善政十有八焉勤農** 爲災為上善政一 黜陟何以為黜何以為陟責飽者必炊飯責暖者 一善政一 時行鄉里入其茅屋撫其婦子民不以爲官 知為中善政一強不凌弱富能周貧為中善政 闡幽發潛彰孝舉節為上善政一獨騎 一下篇上 犯其父母必誅兄弟相殘必誅 **压**占

治為下善政一納賦有方致期不煩為下善政一 賈如歸為中善政一省刑輕杖民自畏服為中善政 春秋享祀必敬為下善政一城隍道路橋梁廬舍修 食布衣燕賓必儉為下善政一上善政六中善政六 政一天災流行疫癘時作使醫療治為下善政一蔬 勇力智謀具戈甲干楯教之騎射以衞四境為下善 下善政六凡十八善政以課縣令重其權厚其祿 察奸發隱四境無盜為中善政一學校殿麻常新 除強暴奸偽不為民害為中善政一居貨不欺商

典革唯其所為三年考績無功有過者黜無過無功 牧守但行考績不得專制待以賓禮不行跪拜几有 或老而歸田子以爵祿終其身錄其子孫以崇報 共廩祿冕服輿馬比于古之 政者受中賞有下善政者受下賞其升遷以是為 知禮治化大行斯為上功唯不受國封為族伯 八善政皆備九年之間民昔貧而今富昔好犯 其品秩致仕三考有上善政者受上賞有中善 則有位知勸咸自競勉何治功之不成 7下篇上)諸族公卿缺則舉用之

之幣其後以金三品亦重在錢後乃專以錢而珠玉 月不見銖兩穀賤不得飯肉賤不得食布帛賤不得 銀至于今銀日益少不充世用有于金之產者嘗旬 麥壅積南濠之市百貨不行良賈失業不得旋歸萬 衣鬻穀肉布帛者亦卒不得衣食銀少故也當今之 世無人不窮非窮于財窮于銀也于是楓橋之市栗 古者言當唯在五穀至于市易則有龜貝金錢刀布 貝銀錫之屬但為器用不為幣自明以來乃專以 更幣

之害在聚銀者易聚之物也範為園定旋絲白燦人 金之家不五七年而為窶人者予旣數見之矣夫財 為命乎聖人復起必有變道矣天運物運皆有循環 雖畫四海而不見溢也大吏則箕翕斗鄭歲運月轉 與必廢廢或復錢廢于前代豈不可復于今世救今 覺也葢銀之易聚如水歸壑哀今之人尚可恃此以 輕于隼逝一 所貪愛囊之瘞之爲物甚約一庫之藏以錢則百庫 民當廢銀而用錢以穀為本以錢輔之所以通 一廊所負以錢則百廳雖界百萬而人不

泉也必如江河之流而後可博濟也凡稱九千石 市易也今雖用錢不過以易魚肉果蔬之物米石 下皆今受栗度宫朝官軍之所用皆令輸稱以錢 布帛 下皆今受栗度城郭兵役之所用皆令輸稱以錢 胃太履之所用皆令運播以錢附栗而給之唯是 聚而給之其在邊防內屯將祿卒食皆令受栗度 而給之其在州郡縣常賦皆令輸粟凡滁三千 臣惠百言既厚其滌積栗何以運歸 匹以上則必以銀涓涓 細流奚補于世錢 則多與之 附 省 以

矣昔者一庫之藏今則百庫天府雖廣其勢不可多 錢使可以置田宅遺子孫所以别于商賈也夫賦以 藏也昔者一廳之及今則百廳家室雖富其勢不可 至于布絮出納無非錢者不出三年白銀與銅錫等 錢配祿以錢配餉以錢配自朝廷至于問間自段帛 **商必病我應之日漕粟數百萬舟挽而注太倉皮絮** 多藏也有出納皆錢之便無聚而不散之憂錢不流 十海內共 安之乎客有發難者一難日錢重難行民 |枵銅鐵之墜贏馱而越山谷而病錢之難行乎| 一个篇上 臣

易豆之市以錢府庫之錢盡布於天下歲納歲出如 **豈生于古而死于今三難曰民欲難拂俗尚難移民** 以錢朝廷之用以錢百官之祿兼錢兵衞之饋兼錢 以錢市貨之征以錢天下之錢多納于公宮中之用 之征兼錢布縷之征兼錢力役之征兼錢關鹽之征 之愛銀也殺身不顧矣其能廢之乎我應之日米栗 以巨萬數以億數以億萬萬數金之生也無古今異 無多寡須多則多至須少則少至昔之計錢以萬數 銅不可採又不易市爐冶多廢我應之日貨至

何 發原放海不少止息民惟恐錢之少雖驅之使用銀 合義而仍之者也於其所當正而正之則職盡於其 **邮既開之矣然諸名物多寡之數行之久矣至於今** 不可得已 所當省而省之則官清厚其滁則臣勸專其養則民 欲盡更之恐有所不可唐子日吾何欲變哉順 滙問日卿牧善任省官制禄達政更幣六篇之言 匪更 其窮則財用足如是則上下同欲民心大悅自 |下篇上

朽不可以為宫室是以聖人之與也隨時制法因情 不行更其所不欲也且衰世習行之政有必不可仍 行之而民悅則行之從其所欲也行之而民不悅則 然之理豈變之為平君子行法為從為更何常之有 物無敞而不改者緇衣始製亦當美矣及其般也於 制禮豈有不宜者詩云緇衣之宜兮散子又改爲兮 者古人有言日聖人之典也不相襲而王夏殷周之 傾祛錯四垂 紕離非復緇衣矣猶復服之以為不改 衰也不易禮而滅葢禮之旣壞如美木積久而有盡

官守不明惠澤不行名存而實上文烯益美不顧百 殫制作之精思慎慮時宜講論典禮審量法度歸 入出於新樂觀其色攬其度宛然故編之初加於體 敝緇衣也有有為之君臣奮與在位去因仍之舊法 姓之便利於斯之時猶為謹守舊章不敢踰越是 及其既久國家無事君臣宴安喪志成鄙未能遠謀 也以為改其舊可乎季世所行之政背當以致治 其舊可乎及其改為之其於其祛已非故繒自絙 便利以發四海之 下篇上 塵蒙於斯之時官墮其職

宜俗安之如固有之是服新緇衣也然則陳晦參裂 為能通天下之故類民物之情人君不明執政不敏 守民之苦於敝法久矣一朝棄其舊而新是圖宜民 天下制為斬流之刑以懼之卒之民玩坐廢斬流亦 委蛇合度是調從舊新舊之故從變之宜唯精義者 可牧不勤謹守舊制惡政令之不行飛牒文示徧 已屬委棄取而服之是謂變常燦燦在身不易其制 小行朝廷亦不復問謂之無官無政可也詩日不**您**

雖靡止 書日恭作肅從作义明作哲聰作謀唇作 木金土人無言視聽思恭五者唯聖人乃全其次或 五者人之恒德生而各具調非然者其必天無水火 才猷之無濟吾不謂凡民皆然愚夫愚婦具五者之 四三德共次或兼三二德其下亦具一德必有聖 而愚不及士具五者之體而才或不達學或不 何忠國論之無定亦有哲謀肅义之一長者何患 用賢 並或聖或否民雖靡膴或哲或謀或肅或义此

禦者遂 之實人為之大小往來非時之泰否為之實君之 于若紂能早用之則奏倫放于有商肅义哲謀聖並 **昏為之紂有臣億萬惟億萬心周師至郊無一人能** 在位肅义哲謀聖在野故常患無才夫泰否非天為 用然盛世常見多才衰世常思無才其故維何易之 在野故見為多才否曰大往小來是時狂僭豫急蒙 四海之大凡百多士必有能學達才者用之將不勝 日小往大來是時肅义哲謀聖在位狂僭豫急蒙 戰破紂之國此億萬臣中有陳洪範之 2. 質 明

滅亡幽王無道尹氏皇父亂政小人盈朝大戎至郊 為之用武王之聖亦終為商之良臣而有商豈至于 小旻之賢大夫若幽王能早用之則奏倫敍于西 臣而西周豈至于滅亡紂有此賢父師幽王有此賢 肅义哲謀聖並為之用大戎雖强虣亦終為周之 野者又孰從而知之然則紂幽之世其才奚不若湯 世使以好色之心好德以寵伎之心寵賢則 八能禦者遂弑幽王于驪山之下當其時有 賢近在左右人皆不知其處于下位淪于 ||下篇| 外

傅周召比肩于朝博而求之如燧火源泉不可勝 無所試其子兄不知弟者無所試其第不自知者無 有難之者謂知人之明自古為難友不 知友父不 知 譬如不耘之田穀稗並生納稼于揚穀稗並積北碾 所自試蓋今學校實亡無以教士無以取士唯馮 既試今以非文之文教士取士賢愚雜進孰能為 難知吾謂友不知友者無所試其友父不知子者 兄不知弟亦且不能自知君雖哲臣雖明恐亦有

長短賢不肖立見才雖混于始進而不能掩于旣試 又廣之以內外大臣所薦並用而試之豈不可以得 稈士乃去榖士乃得蓋才可偽功不可偽臨民聽· 異已以小過受降革之罪京朝之官陷人奪位援黨 以賄上下相援以虐為能以貪為良其于賢者惡其 有萬雖至明有所不及雖至察有所不周于是以私 人而何忠人之難知又有難之者謂天子一人庶官 助已傾害之術巧于儀秦結近侍通宮掖以惑天子 而進如在張捶之前追授官考績猶簌雜既 一一一篇 上

さ 之 百職無所容其奸雖有奸者亦化為良而何患賢者 共攝羣牧皆得其人如網在綱無 廷為巢窟若天子用冢宰得人冢宰總五卿得人 水流濕火就燥不聞阜陶用驩兜之徒驩兜用阜陶 徒唯元凶秉政本霸天下故羣奸附勢引朋以 **耳目能使黑白變行功罪異狀將何以救之吾謂** 稷以從是謂以衆明為 不肖者不去是故君何以昏自用則昏君 則明恭已虚衷不敢自是師家宰而友五 明以衆聰為 綸之不就理則 聰 卿

六善日違已從人慎始循中期成明辨是謂六善堯 勞而天下大治 書日有言逆于汝心必求諸道有言遜于汝心必求 句滙問為政之道唐子曰六善備可以為政矣何謂 **児賢遠于堯舜者平況不賢不見堯舜之履迹者平** 舜聖人之雋也猶不敢自用而況聖不及堯舜者平 謂違已天下有天下之智一州有一州之智一郡 諸非道逆已非逆遜已非遜勿已之是惟道之歸是 六 善 下篇上

邑有一 智其端必見其識必及若不思而遂行之其爲悔 發不可復反政發不可復收書曰若虞機張往省括 從人凡事見以為可而其中有不可者焉見以為一 詩日先民有言詢于夢薨人無賢愚皆我師也是謂 後矣不思而遂不行其為惜也多矣發政如發矢矢 下之言謀事何事不宜以天下之欲行事何事不達 所好我有惡不即人之所惡衆欲不可拂也以 而其中有可者焉惟一再思之更覆思之不必上 郡 邑之智所言皆可用也我有好不即

農夫之耕耘四時不失序焉日月見其長焉是謂循 忘者遂有中道而廢者矣中道而廢則民多玩後 易盈志滿則驕也宣王中典之君也及其德衰而 中始既已順矣中既已循矣而有不保其終者小 又曰不震不動不態不竦言不欲速也毋厭倦也 有作不可為矣詩日不競不絲不剛不柔敷政優 于度則釋鵠之度在目中不省則不見也是謂慎 非不慎也迨其後有欲速而不達者有厭倦而 | 刺者三章桓公五霸之盛也及其氣矜而葵丘 / 下 新上 雖

期于有成也無樞易拔無軸易脫不可謂違已左言 成成立志發令已立其成明辨于此而後六善備焉 人成已始終 良治功不見不可謂有成若是者辨之不叨故也集 則左右言則右不可謂從人卿士盈廷發難不已不 王聖人也召公循處其服九葵八蠻或啓侈心而 簣之戒而光德本中人智効一官者乎是故政必)叛者九國不啻此也書曰爲山九仞功虧一 謂慎始膀牒申命日遵歲結不可謂循中考績多 貫物不能蔽人不能欺功之成不于 一簣武

六善備可以爲政矣 歲費干餘金皆士大夫助之此一鄉之善事也唐子 育婴堂唐子不忍常使視之其所養之家子死願以 貧歲豐而家人恆饑妻寄食於女家僕原有一男 焉月給乳婦之食三百錢乳婦之記籍者三百餘人 蘇州有有嬰之堂以收棄子凡窮民之不得有其子 女以其婦傭乳於外鸞其男於遠方女生一月送之 則送之堂中願育者懷之而去汞稱醫藥無不備 恤 孤 1

堂中雖有察嬰之規使從事者視之不過月一 豈能相與寢處故病死者多也自有此堂以來所活 為已子故育之專而無疾也諸乳婦多不良第貪三 草莽者不知其數矣當是之時天地不能容其生鬼 食寒無衣父母不得養兄弟妻子離散嬰兒之委於 者多矣然念所不得全者恆為戚戚焉一郡之中 顧故多病死其籍記中病者十二三死者十一二矣 有此善事不過小補而況天下之人生民之多饑 百錢得堂中之衣褓皆用於已子所養之子置之不 一至焉

無如之 境然灌東 嘶而西 鄅涸灌南 嘶而北 鄅涸人力雖 神 諸苗將槁吳中之人農眾而力勤車汲之聲達於 **哉雖有仁人盡出府庫之財盡發太倉之栗以大賚** 天下沛然下雨濛濛不休旦起視之苗皆與矣溝 四海亦猶之乎育嬰堂也吾嘗觀於田矣天久不 往之草皆苗甲青青矣人力之勤不如普天之 不能救其死心為之痛而手不能援吾其如彼 人譬苗以雨譬政若使四海之民家給人足衣 何迨夫陽極陰起蒸為雲霧不崇朝而徧 下節

陟高山而遠望游長川而安流望之蒼然臨之 **수天子之前乎** 嬰堂哉百酹君子何不以文王治岐之政陳於 以黃帝遊於釜山堯遊於康衢舜遊於四嶽禹遊 斯亦天下之美觀人情之所樂君子所不廢者也是 女子生而願為之有家男有室以養其父母女有家 食飽暖父母之心人皆有之男子生而願為之有室 以遺其父母惟恐生男生女之不多也亦奚待於育 善遊)
新
如

會稽文 髦先自敗德矣百姓積怨國事不脩雖不好遊亦有 原周公舉觴於洛水仲尼登太山游於舞雩曾點 淮徐作亂遂為敗德之事莫過於遊夫二君荒淫昏 之道者於其出遊不能因其勢而利道之即其事 內起之變外發之冠豈待遊而後致亂哉昧於事君 絕其履跡也人見太康遊而有窮拒河穆王遊 水由是觀之古之帝王聖哲未聞以遊為敗 徒立直諫之名懲荒遊之 一樂於靈臺武王浮於河流成王偕饁於 下篇上 禍扼於殿上沮

君子不拂人情不逆衆志是以所謀易就以有成功 道中引裙裂衣當車斷靭忠則忠矣我以為多事矣 勢日尊羣臣之情日隔一人無忌有治四海而 錮閉 況於人人無貴賤孰能閉戸操作暮春清秋不 果亦翔於叢林魚潛在淵亦洄於蕩澤魚鳥有情 方之氣當是之 山川景物乎上古既遠淳風不作諛風日興天子 杖夾斬磔之刑以與天子爭勝必欲伏至愈 幽者憂之象也烙開渙散者樂之情也鳥守 時剛直之臣不能匡君恥於屈

官諸奴間入施其排斥天子引以為助始焉屈於名 義今也得遂其欲如久鬱之陽忽焉橫泄如久壅之 **鬱鬱不樂乃漸畏正人而疎之矣於是陰行樂於深** 名之菜不敢安食亦不得已而從之人之不便於私 正色拱立其側使天子嚴憚非時之枝不敢妄折 之不使輕入天子則不得已而從之又有道學師 川忽焉潰決誅戮直臣放流賢士乾坤晦塞君臣昏 雖有善道者亦無所施其術矣人亦熟不欲遂 我下郊社之外制之不使輕出苑囿之中 下篇上

樂原野之 丽 耕之 旜 也而寓遊之樂焉於斯時也履職入舍撫其 寢處觀其稼之厚薄察其藏之多寡問其食 事焉親民之事焉巡嶽之事焉禮也於省 與之葢以是故也好遊者人之恆情也古 足吏之清濁獄之杠直橫征之有無皆 以其所不能受古來死談之臣吾敬之難 雖尊亦人也善事君者敬之如天而處之 同其情而平其施 曠於親民樂田舍之逸於巡行樂 何必望其尊威矯為亢直 Щ

心悅服山川之色更益美觀流覽之懷更為悅豫豈 誅賞雖偶行於一方不周於五嶽四海之民聞而 之民即畏官不敢以告覩其形察其情知其苦樂加 悅惟恐天子之不好遊也然則一舉而政修治與民 非天下之至樂哉以此道君不必諫止也好色者 有節其諸 妃嬪寵之而無奇巧之飾寵之而無並后 之恆情也閨房之內和樂而制之以禮謹慎而御之 以素所容訪吏之賢不肖其安所遁哉即以是行 嫌寵之而不啓煽政之漸斯門內之善經也好色

益之費不易一金惟其愛財故不傷財此富國之善 有制取之 有守器之感斯有守國之慮矣此修德之一 古器其何傷好宫室者人之恆情也棟字太廣則 戈殷人之玉鉞周人之石鼓皆實也歷數千載 何傷好財者人之恆情也有非聚斂之君取之必 在一百夏安在玉纸在而殷安在石鼓在而周安)好財其何傷好古器者人之恆情也夏后氏之 太麗則不雅臺榭太高則不安苑囿太曠 有制用之必有節無功之賞不易一錢 一助也 琱

為政亦多務矣雅用賢為國之大事治亂必於斯 之風如是好宫室好之乃見明德矣 惟其安不惟其曠惟其周以天子之居有儒生精 臣薦於天子內外學有司薦於大臣也賢者難知也 難知也天子欲用賢何以知其賢而用之也必也大 **亾 必於斯他更無所於由也一於斯而已矣然賢者** 主進 知其賢而進之也必也訪之 ·惟其麗惟其雅不惟其高 含

是皆可以進賢而不必其無私即有無私者不必其 是而别有進賢之路哉然則以為未可者是何說也 夫是皆進賢之人也有司不求於其鄉將焉求大臣 鄉人訪之於鄉士大夫也天子求賢於大臣未可也 詐古者聽其言為君子之言觀其行為君子之行其 不求於有司將焉求天子不求於大臣將焉求豈舍 八誠君子矣今也聽其言為君子之言觀其行為君 知人故以為皆未可也且古之人多直今之人 臣求賢於有司未可也有司求賢於其鄉未可

文辭則為名士世尚氣節則為直士世尚功業則 進也皆以是物也豈鳥媒而致鳳哉是故求賢之 合進以矯飾之徒入於不知人者之 取熟能 問孰為賢孰為不肖當先觀進賢之人葢賢不肖 行而其人 一惟其所為言親皆真管管往來 舉皆其階有位皆其窟矣且彼 其類吾嘗見夫鳥矣彼鳥也集於喬木之上 辨之以利達之徒入於多私者之門則 /下篇上 則小人也世尚道學則為儒者世 籍籍聚會以 進賢之人其先 門則以問進

豈可得哉是故明君察於羣臣之中得其大賢處以 跖之徒也從盗跖遊者必盜跖之所與也無伯弊之 魚也惟人亦然從伯彝遊者必伯彝之所與也無益 鲫 於朝廷者皆其類矣列於朝廷者皆其類則列 飛 卿之位惟其言之是聽而不惑於讒慝之口 也若使盗跖主進而望其所進之人有若伯弊者 也游於淺水之間其羣游而從之者皆鄉 職者亦皆其類各以類進則賢才不可勝 而從之者皆烏也無異鳥也又皆見夫魚矣彼 也無 則 邦

秦隴之間左右雖多良工別有任使不使之買馬也 必使善糴者轉販於衡湘之間左右雖多良買別有 任使不使之糴也吾欲買馬乎必使善相馬者求於 也舍其所短用其所長也古之大臣於政事無所 達於社稷之長計無所不周而獨於知人或有所 及此亦賢者之常也放齊薦角子愈薦縣唐處之 有不知人若是者况其下乎帝之試鯀者當時 卵雖賢若並責之以進賢則又不可吾欲雜 下篇 上 7有可用 姑且使之非 七土

愈之 有長也君亦必善用其長焉惟賢君然後能 使擇決衆之所舉所以用其長也具斯二者 舉爲為知人也人各有其類才各有所長惟 刑暴德之人同於 無遺矣豈惟臣有其類也君亦有類焉豈 也惟知賢者乃能用賢得知賢者為用賢 進賢得賢者為進賢之人使各 知 人然後能用知人之臣書曰在受德 厥邦惟 庶習逸德之人同 舉所 知所 惟 用

之中得知人者委以推賢進能之任非天下之良士 而不可得有各皆寡之局行講論道德與造功業無 不如意誠如秦誓所思惟在一 百職罔非正人天下不得其徑而緣之又於諸大臣 賢也由是觀之惟君先正其身以為天下表卿士 克知三有宅心灼見三有俊心乃克立兹常事司 得 人以克俊有德言文武知人故能用賢以及天下 而幸至哉詩日嗟我懷人寡彼周行向之所 主

為法令之不利於行者皆妮於民之不良釋官而 吾見其未當出於門庭也蓋徧於海內者其文 易逆好犯 官世凡兹庶民苟非亂 此 難治人皆以為民難治也不知難治者非民也 所以難與言治也以訟令之尊威上馳於下 柅 不待旬月而徧於海內矣人見其徧於海 政 上法以與上為難哉論政者不察所由 庭者其實也雖有仁 人亦难求其所樂避其所 也 內 F

負於終歲之廪栗是以不称豐畜牧蕃而主人坐獲 薄豈藤外自然之利不足以厚其家邪何不若傭之 備之事其主則善矣備何善乎主人督之不使即於 惰而亦不肯自情處不當於主人之意而逐我也計 曾身受之此非有司之故 山奚故哉谿谷阻車疾藜 利焉是主人之法令行於備而傭能不柅於其 足今之有司皆谿谷疾綦也若有司之盡乃心如 日之工必無負於一日之酒食計終歲之工必無 何有司則不然邪豈爵位不足以為榮邪祿雖 下篇十

馬今之為官者不必食邪即康能無過者其存心莫 忠於其主也一官之所任我代者前此幾何人代我 我之產府庫非我之藏民人非我之族黨於我何 者後此幾何人我在其間 於父兄之為習於流俗所尚因仍而不知其非 自內至外皆 如是不忍之心人熟無之乃但知仕官不知道義 紛然移文積於公府文示交於路衢始焉羽 已久不可深責朝廷所寄以牧民之任者大官 如是之人上以文責下下以文蒙 旅客之信宿耳土地

廣之田園廬舍一官屋也父兄子弟一官馬也心不 欲行荛舜之政其何所藉以達於天下乎政不行於 餓子弟死込而莫之恤也凡為官者視為故然雖無 天下豈徒無益必有大害諺曰官屋漏官馬瘦推而 在民雖田園荒蕪廬舍傾倒而不一顧也雖父兄凍 小忘民之害大攘民者不多人忘民者徧天下是舉 **小肖攘民之事而视民若忘等於草茅夫穰民之害** 而景滅卒不知其紛紛者何為也如是干萬職外塞 州內塞五門君臣上下隔絕不通雖有仁明之君 下篇上 さ玉

賞為不善者不必罰孰慕不可必之賞而畏不可必 **所望於後世之賞罰也世之降也官之為善者不必** 乎三代既遠仕不由學官焉而失其官也久矣將 民無以為生有天下者其危矣哉然則治民先治官 天下之民委棄之也疾不救者日深至於四海困窮 於罰而益修於善此君子之所學以待用者也然 以治之治之以賞罰乎賞罰者聖人善世之大權然 而遷於善聖人之罰使天下之善者亦兢兢焉恐入 而難言之矣聖人之賞使天下之不善者皆悅其賞

之不幸上天之不祐非人之所能爲也則亦莫可 之罰乎於是有術焉能使賞不出於朝廷而出於我 不能普利且圖少濟設為說之之言日君之貴非 何也已矣輾轉思之不釋於心不得大成且求小 者不次之賞至賞自我操罰焉能及由是言之賞罰 悅於上官悅於大臣悅於近臣是其術也悅於上官 不可以治官也明矣然則官終不可治乎是葢斯 秩之賞至悅於大臣者超遷之賞至悅於近臣 然君之用非出於民力乎必日然吾願 下海市上

察農桑築圩防計豐凶除奸馬則民亦少害矣夫忠 **今世而不悅於人不但失官且以得罪誠不可以直** 安者也損 之有以報君賜而勿忘民力也今夫受人壺餐必有 道而行曷若量已之力以其半交人以其半勤民事 不可為者也有益於已無傷於人斯則可為者也 於農子仁 念所自況今薄祿之時官之汞食非取於農而實資 酬之而況受人富貴且以遺子孫乎食栗衣帛 . 者居其位受其福所以兢兢業業不敢 人以益已必不可為者也損已以益人亦

得之道也內省有俗熟若無咎百姓詛之孰若百姓 君愛民無失其本心保身遠害又不失於自利斯 **祝之鄉黨非之孰若郷黨稱之其請擇於斯焉** 潛書下篇上終 下篇上 华